



**LEGAZPIKO  
UDALA**

## **ADMINISTRAZIO-BALDINTZA ZEHATZEN AGIRIA, LEGAZPIKO UDALAK, PROZEDURA IREKIAREN BIDEZ, BIKUÑA KIROLGUNEKO ATEZAINZA ETA MANTENTZE-LANAK GAUZATZEKO ESLEITUKO DUEN KONTRATUA ARAUTUKO DUENA**

### **I.- KONTRATUAREN EDUKIA**

#### **1. KONTRATUAREN HELBURUA.**

Honakoa izango da agiri honen arabera burutuko den kontratuaren helburua: Legazpiko Udalaren Bikuña kirol-gunean dauden kirol-instalazioak zaintzeko zerbitzua ematea eta mantentze-lanak egitea. Lan hori kontratu izaera izango duen espedientean dagoen dokumentazio teknikoaren arabera burutuko da.

#### **2. KONTRATAZIO-ORGANOA.**

Kontratazio-organoa Tokiko Gobernu Batzordea izango da.

#### **3. KONTRATUAREN PREZIOA.**

Kontratuaren prezioa, , haxe izango da: 43.500,00 €, BEZa bame.

Honakoa izango da 2016ko ordutegia:

- Astelehenetik ostiralera: 17:00etatik 22:00etara. Ekainean eta uztailean, 17:00etatik 20:00etara. Abuztuan jai.
- Larunbatetan: Kirol programazioaren arabera.
- Igandeetan: Jai.
- Kalkulatutako ordu-kopuru totala: 1.247 ordu.

Ezarritako ordutegian aurreikusi ez diren zerbitzu-orduak prestatzen badira, ordu horiek orduko kostuaren arabera hainbanatuta ordainduko dira.

#### **4. GAUZATZEKO EPEA.**

Zerbitzua urtebetez eskainiko da eta urtebete gehiago luzatu ahal izango da. Kontratazio-organoak erabakiko du luzapena eta enpresariak bete egin beharko du, kontratuak kontrakoa aurreikusiko ez duen bitartean eta, kasu horretan, ezingo da luzapena onartu alderdi bien isilbidezko adostasunarekin.

#### **5. ESLEIPENDUNAREN BETEBEHARRAK.**

A- Lanak, kontratuan zehaztutako denboran eta lekuan eta administrazio-baldintzen agirian eta baldintza teknikoaren agirian jasotakoaren arabera gauzatzea. Halaber, Udalak emandako jarraibideak bete beharko ditu esleipendunak eta ezingo du kontratua, osorik edo zatika, hirugarren bati utzi eta ezingo du azpikontratatu Udalaren baimenik gabe eta indarrean dagoen araudiarekin bat etorritz.

B- Zerbitzua ezarritako epean prestatzea.

Esleipenduna izango da kontratua gauzatzeak eskatuko dituen eragiketen ondorioz sor litezkeen kalteen eta galeren erantzule, 3/2011 Legegintzako Errege-dekretuaren 214. artikuluan xedatutakoarekin bat etorritz.

D- Kontratututako zerbitzua esleipendunaren barne zein kanpoko egoerei kasurik egin gabe gauzatuko da, hala nola lan-gatazkak edo zerbitzuaren ohiko garapena oztopa dezakeen bestelako egoerak.

E.- Indarrean dauden xedapen guztiak betetzea: Lan Legerian jasotakoak, Gizarte Segurantzaren gaietakoak, sektoreari aplikagarriak zaizkion hitzarmen kolektiboetan eta, bereziki, Lan arriskuei aurrea hartzeko 31/1995 Legean jasotakoak eta horiek garatzen dituzten Errege-dekretuetan ezarritakoak. Halaber, zerga gaietako xedapenak beteko dira eta Udala erabat libre geratuko da ezarritako xedapenak ez betetzetik sor daitezkeen erantzukizunetatik.

F- Greba eginez gero, denboran mugarik gabe edo hiru hilabete baino gehiago luzatuz gero, esleipenduna eta haien langileak derrigorrez arbitrajearen mende jarriko dira.

G.- Esleipenduna izango da egingo dituen lanen kalitate teknikoaren eta burutuko dituen prestazio eta zerbitzuen erantzule. Modu berean, kontratua gauzatzean izango diren hutsegiteen, akatsen, metodo ezegokien edo emaitza okerren ondorioz Udalari edo hirugarrenei sortuko zaizkien ondorioen erantzule ere izango da.

H- Hilero, Gizarte Segurantzari egindako kotizazioen agiriak aurkeztea. Modu berean, zerbitzuari atxikitako langileen soldatak ordaintzen direla egiaztatuko duten frogagiriak aurkeztuko ditu.

I- Gutxienez, 60.101,00 (hirurogei mila ehun eta bat) euroko kapital aseguratua izango duen erantzukizun zibileko poliza kontratatzea, hirugarrenei lekizkieken kalteei erantzun ahal izateko.

J- Zerbitzua eskainiko duen erakundeak behar adina giza baliabide izango ditu zerbitzua modu egokian prestatzeko eta bere gain hartuko ditu langile horien mendekotasun harremanetik sortuko diren kostuak. Langile horiek ez dute, inola ere ez, administrazio edo lan izaerako loturarik izango Udalarekin eta, beraz, Udala ez da enpresaren eta bere langileen arteko harremanetatik sor daitezkeen arazoaren erantzule izango.

K- Esleipendunak, Legazpiko udalerrian hizkuntza ofizialen erabilera arautzeko Udala Ordenantzan jasotakoa bete beharko du.

## **6. BERMEAK.**

Eskaintza ekonomiko hoberena aurkeztuko duenak bermea jarriko du kontratazio-organoaren esku. Berme hori esleipen-zenbatekoaren ehuneko 5ari dagokion kopurua izango da, BEZa sartu gabe.

Berme hori jartzeko epea hamar egun baliodunekoa izango da, kontratazio-organoaren jakinarazpena jasoko den biharamunetik zenbatzen hasita. Bermea jartzeko bidea, berriz, Sektore Publikoko Kontratuen Legearen Testu Bateratua onartu zuen azaroaren 14ko 3/2011 Legegintzako Errege-dekretuaren 96. artikuluan azaltzen direnetatik edozein izan daiteke.

Berme-epea amaitzen denean, esleipendunari bermea itzuliko zaio, osorik edo, bidezkoa bada, zati batean, baldin eta kontratuko betebeharrak guztiak beterik badaude. Itzulketa hori Sektore Publikoko Kontratuen Legearen Testu Bateratua onartu zuen azaroaren 14ko 3/2011 Legegintzako Errege-dekretuaren (aurrerantzean, 3/2011 Legegintzako Errege-dekretua) 102. artikuluan xedatutakoarekin bat etorritik egingo da, behin berme-epea iraungi eta esleipendunak kontratuko obligazio guztiak bete eta gero.

## **7. KONTRATUA BETETZEA.**

Kontratua agiri honetan jasotako baldintzen arabera bete beharko da, bai eta espedienteari erantsitako xehetasun teknikoaren arabera ere, halakorik egonez gero. Kontratua Udalaren ikuskapen eta kontrolaren pean burutuko da, eta idatziz nahiz ahoz erabili ahal izango ditu ahalmen horiek.

Esleipendunari edo haren agindupekoei egotz dakiekeen egite edo ez-egiteren baten ondorioz, Udalak kontratua behar bezala burutzea kolokan dagoela uste badu, kontratua behar bezala burutu dadin beharrezkotzat joko dituen neurriak har daitezela agindu ahal izango du.

## **8. KONTRATUA ALDATZEA.**

Herri-onurako arrazoiak direla eta, Udalak kontratua aldatzeko aukera izango du, ustekabeko arrazoiak sortzen direnean. Kasu horietan, esleipendunak ez du inolako kalte-ordainik jasotzeko eskubiderik izango, 3/2011 Legegintzako Errege-dekretuaren 308.c) artikuluan ezarritakoaren kalterik gabe.

## **9. ESLEIPENDUNARI EZARRI BEHARREKO ZIGORRAK BALDINTZAK BETETZEN EZ BADITU.**

### **A) KONTRATUA BETETZEKO EPEAK DIRELA ETA.**

Esleipendunaren erruagatik, kontratua betetzeko epe osoa edo epe partzialak igarotakoan kontratua burutu gabe badago, Udalak bi aukera izango ditu: kontratua bertan behera utzi eta bermea bereganatzea, edo egun bakoitzeko diru-zigorra ezartzea: egunean 0,20 euro kontratuaren prezioaren 1.000,00 euroko.

Atzerapenagatiko zigorren guztizko zenbatekoak kontratuaren prezioaren 100eko 5aren multiploren bat jotzen duen bakoitzean, kontratazio-organoak aukera izango du kontratua bertan behera uzteko edo zigor gehiago ezarri eta burutzapenean aurrera egin dadila erabakitzeko.

### **B) PRESTAZIOEN BETETZE PARTZIALA DELA ETA.**

Esleipendunak, bere erruagatik, kontratuan zehaztutako prestazioen betetze partziala epean bukatzen ez badu, Udalak bi aukera izango ditu: kontratua bertan behera uztea edo kontratuaren prezio osoaren 100eko 10eko diru-zigorra ezartzea.

Prestazioa akatsekin betetzen bada, Udalak kontratuaren aurrekontuaren %10eko diru-zigorra ezarri ahal izango du.

## **10. KONTRATUA AMAITZEKO ARRAZOIAK.**

Kontratua amaitzeko arrazoiak 3/2011 Legegintzako Errege-dekretuaren 223. eta 308. artikuluetan azaltzen direnak izango dira.

## **11. ADMINISTRAZIOAREN ESKUMENAK.**

Udalari dagokio kontratua interpretatzea, kontratua betetzean sor daitezkeen zalantzak ebaztea, herri-onurako arrazoiengatik kontratua aldatzea, kontratuari amaiera ematea eta amaiera horren ondorioak zehaztea, beti ere, Sektore Publikoko Kontratuen Legean eta Herri Administrazioen Kontratuen Legearen Erregelamendu Orokorrean ezarritako baldintza eta ondorioei eutsiz.

## II.- KONTRATATZEKO PROZEDURA

### 12. ESLEIPENA EGITEKO PROZEDURA.

Kontratu honen esleipena prozedura irekiaren bidez egingo da.

Kontratuaren esleipenaren oinarri gisa erabiliko diren eskaintzak baloratzeko irizpideak eta esleitzen zaien haztapena honako hauek dira:

- 1.- Proposamen ekonomikoa: 50 puntura arte.
- 2.- **Memoria**: 30 puntura arte.
- 3.- Egoera pertsonala: 20 puntura arte.

Aipatu irizpideetatik, balio-judizioaren arabera izan eta automatikoki antzematen direnak baino lehenago balioetsiko diren irizpideak honako hauek dira:

Planifikazioa eta zerbitzuaren tenporalizazioa jasoko duen memoria; bertan, agiri teknikoan aurreikusitako eta lehiatzaileak proposatuko dituen jarduerak jasoko dira. 30 puntura arte.

Antzemate automatikoaren irizpideak, segidan adieraziko direnak izango dira:

- 1.- **Proposamen ekonomikoa**: Gehienez, **50 puntu**. Puntuak ondoko formula erabiliz banatuko dira:

Puntuazioa: Gehienezko puntuak x eskaintza hoberena / aintzat hartutako eskaintza.

- 2.- **Egoera pertsonala**. Gehienez, **20 puntu**. Puntuak ondoren zehaztuko den moduan banatuko dira:

Lan gabe egotea: 15 puntura arte. Puntuak ondoren zehaztuko den moduan banatuko dira:

- \* 6 hilabete arteko langabezia: 5 puntu.
- \* 6 hilabete eta urtebete arteko langabezia: 10 puntu
- \* Urtebete baino gehiago langabezia: 15 puntu.

Legazpin erroldatuta egotea: **5 puntu**

### 13. KONTRATATZEKO GAITASUNA ETA KAUDIMENA.

Zuzenbideko eta jarduteko gaitasuna duten pertsona fisiko zein juridikoek parte hartu ahal izango dute kontratazio-jardunbide honetan, baldin eta beren kaudimen ekonomikoa, teknikoa eta profesionala frogatzen badituzte, eta 3/2011 Legegintzako Errege-dekretuaren 60. artikuluan adierazitako arrazoiak direla eta kontratatzeke debekuren bat ez badute.

Pertsona fisiko edo juridikoek beren kabuz edo baimendutako ordezkarien bitartez kontratatu ahal izango dute. Pertsona juridiko baten ordezkari baten kideren bat azaltzen denean, ordezkari izateko

ahalmena duela frogatu beharko du agiri bidez. Bi kasuetan ere, kontratatzeko gaitasunik eza dakarten arrazoiak, gorago aipatutakoak, ordezkariari ere aplikatu behar zaizkio.

Enpresariak, modu berean, kontratu honen helburua betetzeko edo jarduera burutzeko beharrezkoa den gaikuntza enpresariala eta profesionala izan beharko dute.

#### **14. PROPOSAMENAK AURKEZTEA.**

Kontratazio honen espedientea, bai eta horrekin batera doan dokumentazio teknikoa ere, Legazpiko Bikuña kalea 36an dagoen udal kiroldegiko bulegoetan aztertu ahal izango da, goizeko 9:00etatik 13:00etara, astelehenetik ostiralera. Eta hauxe izango da horretarako epea: lehiaketa honen iragarkia Gipuzkoako Aldizkari Ofizialean argitaratu eta biharamunetik hasita, proposamenak aurkezteko epea bukatu arte.

Proposamenak aurretik adierazitako ordutegian aurkeztuko dira Legazpiko Udaleko Erregistro Orokorrean, aipatu iragarkia argitaratu eta hurrengo egunetik kontatzen hasita, 15 egun naturaleko epean.

Baldin eta epearen azkeneko eguna larunbata, igandea edo jaieguna bada, hurrengo egun balioduna arte luzatuko da epea.

Lehiaketa, modu berean, kontratazio-organoaren kontratatzailer profilean argitaratuko da eta bertara jo daiteke [www.legazpi.eus](http://www.legazpi.eus) Web orritik.

Lehiatzaileek agiriari buruz eskatuko duten informazio gehigarria edo dokumentazio osagarria, proposamenak jasotzeko ezarriko den epemuga baino sei egun lehenago eskainiko da. Horretarako, informazio edo dokumentazio hori jasotzeko eskaria proposamenak jasotzeko aipatu epea igaro baino zortzi egun lehenago aurkeztu beharko da.

3/2011 Legegintzako Errege-dekretuaren 158.3. artikuluan ezarritakoaren arabera, agirien gaineko edo dokumentazio osagarriaren gaineko informazio gehigarria ezarritako epe barruan eskaini ahal izango ez denean, edo aurkeztu beharreko eskaintzak bertara joan ondoren edo agiriari erantsita doakion dokumentazioa "in situ" kontsultatu ondoren bakarrik aurkeztu ahal daitekeenean, eskaintzak aurkezteko epea luzatu egingo da eta eskaintzak osatzeko beharrezkoa den informazio osoa ezagutzeko denbora nahikoa eskainiko zaie izangaiei.

Ez dira onartuko epe horretatik kanpo aurkeztzen diren proposamenak, nahiz eta postetxean epea amaitu baino lehen aurkeztu. Dena dela, proposamena onartu egingo da baldin eta epe barruan bidali zela egiaztatzen bada. Horretarako, lehiatzaileak, proposamena bidaltzen duen egunean bertan, posta-egiaztageria bidali beharko dio kontratazio-organoari telekopiaz, faxez, telegramaz edo

posta elektronikoz. Posta elektronikoz bidaltzen bada, baliozkoa izan dadin, Herri Administrazioen Kontratuei buruzko Araudi Orokorraren 80.4. artikuluan ezarritakoa bete beharko du.

Lehiatzaileek hiru kartazal (**A, B eta C**) aurkeztu beharko dituzte itxita. Kartazal bakoitzean honako hau idatziko da: **“BIKUÑA KIROL-GUNEKO ATEZAINZA ETA INSTALAZIOEN MANTENTZELANAREN PROZEDURA IREKI BIDEZKO KONTRATAZIOAN PARTE HARTZEKO PROPOSAMENA”**.

Gutun-azal bakoitzean enpresaren izena eta proposamen-izenpetzailearen izen-deiturak jarriko dira, noren izenean izenpetzen duen zehaztuz. Bi gutun-azalak ere izenpetuta aurkeztuko dira.

**“A” gutun-azalaren azpiztitulua hau izango da:” KONTRATATZEKO GAITASUNA ETA KAUDIMENA”**. Hona hemen “A” gutun-azalean aurkeztu beharreko agiriak:

a) Parte hartzailearen edo haren ordezkariaren nortasun-agiriaren fotokopia. Horrezaz gain, beste pertsona edo erakunde baten izenean badihardu, notario-ahalordea.

b) Lehiatzailea pertsona juridikoa denean, eratze- edo aldaketa-eskritura aurkeztuko du, behar bezala inskribaturik Merkataritza Erregistroan eta identifikazio fiskaleko zenbakian, inskripzioa derrigorrezkoa baldin badu, aplikatu behar zaion merkataritzako legeriaren arabera. Hala ez bada, eraketaren, estatutuen edo fundazio-egintzaren eskritura edo agiria aurkeztuko du jarduteko gaitasuna duela frogatzeko. Agiri hori erregistro ofizial egokian inskribaturik egongo da, hala behar denean, eta bertan agertuko dira lehiatzailearen jarduera zuzentzen duten arauak. Enpresariak espainiarrak ez badira baina bai Europako Erkidegoko kideak, ezarrita dauden Estatutuaren legeriarekin bat etorri dagokion erregistroan inskribatuta daudela egiaztatuko da; edo aplikagarriak diren komunitateko xedapenen arabera egindako zinpeko aitortpena edo egiaztagiria aurkeztuko da.

c) Lehiatzaileak erantzukizunpeko berariazko aitortpena aurkeztu behar du, 3/2011 Legegintzako Errege-dekretuaren 60. artikuluan kontratatzeke ezarritako debekuetatik bat bera ere ez duela agertzeko. Aitortpen horretan berariaz adieraziko du kitaturik dituela zerga-betebeharrak eta Gizarte Segurantzarekikoak, indarrean dauden xedapenek ezarritakoak; ez da horrela egiaztatu beharko betebeharrak bi horiek dagozkien ziurtagiriekin frogatzen bada.

d) Jarduera ekonomikoen gaineko zergan, kontratuaren gaiari dagokion epigrafean hain zuzen ere, alta eman diotela frogatzeko, lehiatzaileak alta-agiria aurkeztuko du, uneko ekitaldian bertan hartua badu, edo EJZren azken ordainagiria, gainerako kasuetan. Beti ere, zerga horren matrikulan baxerik hartu ez izanaren erantzukizunpeko adierazpena erantsiko du. Dagokionean, aipatu zergan eta autonomoen erregimenean alta emateko konpromisoa, esleipenduna suertatuz gero.

e) Kaudimena:

e.1) Lehiatzailearen ekonomia- eta finantza-kaudimenaren eta gaitasun tekniko edo profesionalaren frogagiriak. Horretarako, Sektore Publikoko Kontratuen Legearen Testu Bateratuaren 75.b) eta 78.a) eta e) artikuluetan ezarritako bideetatik edozein erabili ahal izango da.

Kaudimen ekonomikoa egiaztatzeari dagokionez, esleipendunak arrisku profesionalen kalte-ordainen aseguru bat duela adieraziko duen agiria aurkeztuko du. Aseguruaren zenbatekoa lizitazio-iragarkian edo prozeduran parte hartzeko gonbidapenean eta kontratuaren agirietan eskatutako zenbatekoaren parekoa edo handiagoa izango da edo, horrelakorik ezean, araudiaren arabera ezarritakoa. Dagokionean, aipatu aseguruan alta emateko konpromisoa, esleipenduna suertatuz gero.

Kaudimen teknikoa ondorengoak aurkeztuz egiaztatuko da:

\* Azkeneko bost urteetan, eskainitako zerbitzu edo egindako lan nagusien zerrenda honakoak adieraziz: diru-kopurua, datak eta hartzailea (publikoa edo pribatua). Egindako zerbitzu edo lanak egiaztatzeko organo eskudunek egindako edo ikus-onetsitako ziurtagiriak aurkeztuko dira, baldin hartzailea sektore publikoko erakunde bat izan bada; hartzailea pribatua izan bada, hark luzatutako egiaztagiria baten bidez edo, horrelakorik eduki ezean, enpresariak egindako aitortpenaren bidez frogatuko da; kasu bakoitzean, agintaritzak eskudunak zuzenean emango dio kontratazio-organismoari ziurtagiri horien berri.

\* Kontratuan parte hartzen duten langile teknikoak edo unitate teknikoak adieraziko dira, enpresan integratuta egon edo ez, batik bat, kalitate-kontrolaren ardura dutenak.

Herri Administrazioen Kontratuei buruzko Legearen Erregelamendu orokorra onartu zuen urriaren 12ko 1098/2001 Errege-dekretuaren 11.2 artikuluan ezarritakoari jarraiki, kontratu honen helburua ondoren adierazitakoaren arabera dago sailkatuta: O Taldea, O-6 Azpi-taldea, Kirol zelaiak mantentzeko zerbitzuak. (EAE 77320000-9)

e.2) Kaudimenaren egiaztatzea bere eskaintzetan lehiatzaileek zehaztuko dituzten giza baliabideak eta baliabide materialak zehaztuko dituen agiriarekin osatuko da. Agiri hori kontratuari atxikiko zaio eta kontratu-izaera izango du. Beraz, ... Sektore Publikoko Kontratuen Legearen Testu Bateratuaren 64.2 artikuluan zehaztutakoaren arabera, hori ez betetzea kontratua baliogabetzeko arrazoia izan daiteke, 223.f) artikuluan jasotako ondorioekin.

Horren haritik, esleipendunak edo, dagokionean, berak kontratatuko duen pertsonak, zerbitzua Euskadiko Autonomia Erkidegoan ofizialak diren hizkuntza ofizialen edozeinetan eskaintzeko gai izango da. Alderdi hori egiaztatzeko elkarrizketa bat egingo da udal Euskaltegiko zuzendariarekin.

Zentzu horretan, esleipendunak Udalari idatziz eman beharko dio kontratua burutzeko egingo dituen kontratazioen berri.

Eskaintza ekonomiko hoberena aurkeztu duenak baldintza hori betetzen duela egiaztatu beharko du kontratua esleitu aurretik 151.2 artikuluan ezarritakoaren arabera.



Proposamenetan, halaber, kontratua burutzeko ardura duen langileen izenak eta kualifikazio profesionala zehaztuko dira.

f) Hainbat enpresak negoziazio bidera jotzen badute aldi baterako enpresa-elkartea eratuz, taldekide bakoitzak bere gaitasuna eta kaudimena frogatu beharko ditu aurreko puntuetan ezarritakoaren arabera. Esleipena lortuz gero, ABEE (aldi baterako enpresa-elkarte) formala eratzeko konpromisoa agertu beharko dute enpresa guztiek. Bestaldetik, aldi baterako enpresa-elkarteko kide bakoitzak kontratuaren zein zati egingo lukeen adierazi beharko dute proposamenean, kide bakoitzaren kaudimen-baldintzak zehaztu eta egiaztatu ahal izateko.

g) Atzerriko enpresak badira, Espainiako epaitegi edo auzitegien menpe jarriko direla adierazi beharko dute, kontratuarekin zuzenean edo zeharka zerikusia duten gorabehera guztietarako, eta, hala egokituz gero, lehiatzaileari legokiokeen atzerriko jurisdikzioari uko egingo lioketela.

h) Posta elektronikoaren helbide bat eskainiko da, jakinarazpenak bertara bidaltzeko.

a), b) eta e.1) hizkietan eskatutako baldintzak modu desberdinetan egiaztatu ahal izango dira. Hona hemen aukerak: Euskal Autonomia Erkidegoko Lehiatzaileen eta Sailkatutako Enpresen Erregistro Ofizialeko egiaztagiriaren bidez, Estatuko Lehiatzaileen eta Sailkatutako Enpresen Erregistro Ofizialeko egiaztagiriaren bidez edo 3/2011 Legegintzako Errege-dekretuaren 84. artikulua arabera luzatutako egiaztagiriaren bidez. Kasu honetan, aipatu egiaztagiriarekin batera lehiatzailearen aitortpen arduratsua aurkeztuko da eta, bertan, aurkezten den egiaztagirian azaldutako inguruabarrak aldaketarik izan ez dituztela adieraziko da.

Honakoa izango da "B" kartazalaren azpтитulua: **"BALIO-JUDIZIO BATEN MENDE DAUDEN BALORAZIO IRIZPIDEAK"** eta, bertan, agiri teknikoan aurreikusitako eta lehiatzaileak proposatuko dituen jarduerak zehaztuko dituen planifikazioa eta zerbitzuaren tenporalizazioa jasoko duen memoria sartuko da (agiri honen 12. klausulan aurreikusitakoa).

"C" kartazalaren azpтитulua **"PROPOSAMEN EKONOMIKOA ETA AUTOMATIKOKI BALORATUKO DIREN IRIZPIDEAK"** izango da eta ondoko agiriak sartuko dira bertan:

1. Diru-proposamena, honako eredu honen arabera egingo dena:

Lehiatzailearen datuak:

Izen-deiturak: .....

Helbidea: .....

Posta-kodea: .....

NA: .....

Telefonoa: ..... posta elektronikoa: .....

jarduteko gaitasun osoarekin, bere izenean edo ondokoaren izenean:

Ordez kariaren datuak:

Izen-deiturak: .....

Helbidea: .....

Posta-kodea: .....

Telefonoa: .....

NA edo IFZ ( (pertsone fisikoa edo juridikoa den): .....,

.....k dei egindako lehiaketaren berri izan dudala eta, hona  
hemen nire

Adierazpena:

1) Hitz ematen dut kontratua .....€-tan burutuko dudala. Prezio horretan gai guztiak sartzen dira: zergak, gastuak eta zergen arloko edozein tasa edo ariel, bai eta esleipendunaren industri onura ere.

2) Administrazio-baldintza zehatzen Agiria, Baldintza teknikoaren Agiria eta kontratua arautuko duten gainontzeko dokumentuak ezagutzen ditudala eta osorik nire gain eta ontzat hartzen ditudala.

3) Ordezkatzen dudana enpresak hura ireki, instalatu eta jarduteko indarrean dagoen araudiak eskatzen dituen baldintza guztiak betetzen dituela.

.....n, 20.....(e)ko .....aren .....(e)an.

2. Balorazio automatikoaren irizpideekin zerikusia duten frogagiriak, agiri honen 12. klausulan zehaztutakoak.

## **15. AGIRIAK SAILKATZEA, ENPRESAK AUKERATZEA ETA PROPOSAMENAK IREKITZEA.**

Proposamenak aurkezteko epea amaitzen denean, honako lan hauek burutuko dira:

### **1. "A" KARTAZALA IREKIKO DA ETA BERTAN DAUDEN AGIRIAK PROZESATUKO DIRA.**

Mahaiak "A" kartazalean dauden agiriak sailkatuko ditu. Horretarako, lehiatzaileei beren gaitasun eta kaudimenari buruzko argibide eta agiri gehiago eskatu ahal izango dizkie, eta lehiatzaileek egutegiko bost eguneko apea izango dute haiek aurkezteko. Herri Administrazioen Kontratuen legearen Araudi orokorraren 22. artikuluan ezarritakoarekin bat etorritik. Mahaiak interesdunei ahoz eskatu behar dizkie argibide eta agiri osagarri horiek, eta gainera eskaera-idatzia jarri behar du kontratazio-organoaren iragarki ohelean eta kontratatzailearen profilean. Era berean, lehiatzaileek aurkeztutako agirietan zuzentzeko moduko akatsak agertzen badira, Mahaiak ahoz eta iragarki bidez emango die horren berri lehiatzaileei, eta hiru egun balioduneko epea jarriko die, aipatu Araudiaren 81. artikuluan jasotakoaren arabera, akatsak zuzen ditzaten.

## 2. ENPRESAK AUKERATZEA

Behin agiriak sailkaturik, eta akats eta hutsuneak zuzendu eta gero, halakorik badago, agiri honen 14. baldintzan azaltzen diren irizpideak zein enpresak betetzen dituzten zehaztuko du Mahaiak, eta berariaz adieraziko du zein enpresa onartu dituen lehiaketarako, zien baztertu dituen eta zergatik baztertu dituen.

## 3. "B" KARTAZALA PUBLIKOKI IREKITZEA

"B" kartazalean aurkeztutako dokumentazioa, balio-judizio baten arabera irizpideen arabera baloratu beharreko agiriak dituen, ekitaldi publiko batean irekiko da, lehiatzaileei bidalitako posta elektronikoan adierazitako egunean. Helburu horretarako, dokumentazio horretan akatsak edo gabeziak zuzendu behar badira, Mahaiak, gehienez, sei egun balioduneko epea emango du horretarako, Sektore Publikoko Kontratuen Legea zati bat garatzen duen maiatzaren 8ko 817/2009 Errege-dekretuaren 27. artikuluan xedatutakoaren arabera.

## 4. "C" KARTAZALA PUBLIKOKI IREKITZEA

"B" kartazalean aurkeztutako dokumentazioa ireki eta baloratu ondoren, "C" kartazala irekiko da jendaurrean, lehiatzaileei bidalitako posta elektronikoan adierazitako egunean eta orduan. Helburu horretarako, dokumentazio horretan akatsak edo gabeziak zuzendu behar badira, Mahaiak, gehienez, sei egun balioduneko epea emango du horretarako.

Irekiera-ekitaldi horretan, eskaintza bakoitzean balio-judizio baten arabera irizpideei eman zaien balorazioaren berri emango da.

## 5. ESKAINTZAK SAILKATZEA

Irizpide guztiak balioesten direnean, Mahaiak aurkeztutako proposamenak sailkatuko ditu garrantziaren arabera eta esleipen-proposamena aurkeztuko dio esleipena egin behar duen kontratazio-organoari.

Sektore Publikoko Kontratuen Legearen Testu Bateratuaren 152. artikuluan aurreikusitakoaren arabera, eskaintza anormaltzat edo neurritz gaineratuzat jotzen denean, lehiatzaileari (edo lehiatzaileei, hala dagokienean) entzungo zaio, eta dagokion zerbitzuaren aholkularitza teknikoa jasoko da.

Horrelakoetan, eskatutako txostenak ikusi eta lehiatzaileak esandakoa entzun ondoren, kontratazio-organoak Administrazioak ezarri dituen baldintzen arabera zerbitzua modu egokian bete dezakeen proposamen ekonomiko hoberenaren aldeko esleipena egitea erabakiko du.

Aitzitik, kontratazio-organoak eskaintza ezin dela bete uste badu, balio anormal edo neurrigabeak dituelako, sailkapenetik baztertu du eta ekonomikoki proposamenik onuragarrienaren aldeko esleipena egingo du, proposamenak sailkatu diren ordenari jarraiki.

Emandako pauso guztien berri emango da espedientean, derrigorrean idatziko diren aktetan jasoz.

## 6. ERREKERIMENDUA, HALA BADAGOKIO, LEHEN SAILKATUARI

Aurreko pausoak eman ostean, errekerimendua jaso eta hurrengo egunetik aurrera kontaktzen hasita hamar egun balioduneko epean, lehen sailkatuari honako ekintzak egin ditzala eskatuko zaio:

a) Zerga-obligazioak eta Gizarte Segurantzarekikoak beteta dituela egiaztatuko duen agiria aurkeztu behar du. Ez da beharrezkoa izango agiri horiek berriz ere aurkeztea proposamenarekin batera aurkeztu baditu.

b) Kontratua gauzatzeko beharrezkoak izango diren bitartekoak esleitzeko konpromisoa betetzen duela ziurtatuko duen agiria aurkeztea, baldintza-agiri honen 14. klausulako e.2) hizkian aurreikusitakoarekin bat etorritz.

c) Behin betiko bermea jarri duela egiaztatuko duen agiria aurkeztuko du, hala badagokio.

d) Jatorrizko agiriak aurkeztuko ditu, proposamena osatzen duten kartazaletan fotokopia hutsak aurkeztu badira.

e) Dagokionean, Jarduera Ekonomikoen gaineko Zergan eta autonomoen erregimenean alta emanda dagoela egiaztatuko duten agiriak aurkeztuko ditu; baita dagokion aseguruia duela egiaztatuko duen agiria ere.

Eskatutakoa ezarritako epean betetzen ez bada, lizitatzailerak bere eskaintza erretiratu egin duela ulertuko da eta, beraz, eskaintzak sailkatuta geratu diren ordena jarraituz, hurrengo lehiatzaileari eskatuko zaio agiri horiek aurkeztea.

## 16. KONTRATAZIO MAHAIA.

Kontratatzeke mahaiak honako kideek osatuko dituzte: mahaiburuak, idazkariak eta, gutxienez, lau mahaikidek; kontratazio-organoak izendatuko ditu guztiak. Mahaikideen artean derrigorrez egongo dira kontratazio-organoaren aholkularitza juridikoaren ardura izango duen funtzionario bat eta kontu-hartzaile bat. Bi horietako edozein ez baldin badago, organoaren aholkularitza juridikoa edo aurrekontuen eta diru-kontuen kontrola eramango duen edozein izango da kontratazio-mahaiko kide.

Idazkaria kontratazio-organoan bere zerbitzuak eskainiko dituen funtzionarioa izango da. Funtzionario bat izendatzea ezinezkoa denean, kontratazio-organoaren mende dagoen beste edozein langileen artean aukeratuko da mahaikide izendatuko dena.

Kontratazio-mahaiko kideen izendapena izaera iraunkorrarekin egin daiteke edo izaera espezifikoarekin kontratu bakoitzaren esleipenerako.

Kontratazio-mahaiaren osaera dagokion kontratazio-organoaren kontratatzaile-profilean emango da argitara, gutxienez, urriaren 30eko 30/2007 Legearen 130.1. artikuluan zehazten den dokumentazioa kalifikatzeko egin behar den bilera egin baino zazpi egun lehenago.

Aztertuko diren gaien izaeraren arabera, kontratazio-mahaiaren bileretan beharrezkotzat joko diren funtzionarioek edo aholkulari espezializatuek hartuko dute parte; horiek hitza izango dute baina ez botoa.

Mahaiko kide guztiek izango dute hitza eta botoa; salbuespen bakarra idazkaria izango da, hitza bakarrik izango baitu.

Mahaia modu egokian eratuta gera dadin, ezinbestekoa izango da mahaikideen gehiengo osoa bertan egotea eta, nolana ere, bertan egon beharko dute mahaiburuak, idazkariak eta organoaren aholkularitza juridikoa emateaz eta aurrekontuen eta diru-kontuen kontrola eramateaz arduratuko diren bi mahaikidek.

#### Honako kideek osatuko dute kontratazio-mahaia:

Mahaiburua: Iñigo Imaz – Kirol zerbitzuko zinegotzia

Idazkaria: Ainhoa Urruela, AOT.

Mahaikideak:

- Peio Garmendia, Kirol teknikaria.
- Iñaki Gastañares, udal idazkaria.
- Fernando Arakama, udal kontu-hartzailea
- Javier Iraeta, EAJ
- Kepa Urzelai, Bildu.
- Oscar Valbuena Pascual, PSE-EE.
- Alberto Bezunartea Fernandez, Irabazi.

## **17. ESLEIPENA, FORMALIZAZIOA ETA GASTUAK.**

Esleipena arrazoitua izango da, hautagaiei edo lizitatzailerei jakinaraziko zaie eta, aldi berean, kontratatzailearen profila argitaratuko da. ([www.legazpi.eus](http://www.legazpi.eus)).

Jakinarazpena hartu behar duenak jaso duela egiaztatzea ahalbidetuko duen edozein bide erabiliz egingo da. Bereziki, posta elektronikoaren bidez egin ahal izango da, lehiatzaileek edo hautagaiek aurkeztu dituzten proposamenetan eskainitako helbideetara.

Eskaintzen izaera neurrigabea edo ezohikoa aldarrikatzeko, aurrez eskaintza hori aurkeztu duen lehiatzaileari edo, hala balegokio, eskaintza horiek aurkeztu dituzten lehiatzaileei entzungo zaie eta dagokion zerbitzuaren aholkularitza teknikoa jasoko da.

Kontratua sinatzeari uko egitea edo prozedura aintzat ez hartzea esleipena egin aurretik erabaki dezake bakarrik kontratatzeke organoak. Kasu bietan, hautagaiek edo lehiatzaileek dagoeneko egin dituzten gastuak konpentsatu egingo dira, iragarkian edo baldintza-agirian aurreikusitako eran, edo Udalaren erantzukizuna arautzen duten printzipio orokorren arabera.

Kontratua administrazio-agirian jasoko da eta lehiaketaren baldintzetara egokituko da zehatz-mehatz. Agiri hori titulu nahikoa izango da edozein erregistro publikora jotzeko. Dena den, kontratistak kontratua eskritura publikoan jasotzea eska dezake; kasu horretan, bere kontura joango dira sortuko diren gastuak. Formalizatuko den kontratuan ezingo dira, inola ere ez, esleipenaren baldintzak aldatzea ekarriko duten klausulak sartu.

151. artikuluan aurreikusitakoaren arabera, lizitatzaleei eta hautagaiei esleipenaren jakinarazpena bidali eta hurrengo hamabost laneguneko epearen barruan formalizatuko da kontratua.

Esleipendunaren erruagatik ezarritako epearen barruan kontratua formalizatu gabe geratzen bada, Udalak behin betiko bermea bahitzea erabaki dezake.

Aldiz, kontratua Udalaren erruagatik formalizatu gabe geratzen denean, esleipendunari atzerapenen ondorioz sor dakizkiokeen kalteak ordainduko zaizkio.

Kontratua ezingo da gauzatzen hasi aurretik formalizatu ez bada, 3/2011 Legegintzako Errege-dekretuaren 113. artikuluan jasotako kasuetan izan ezik.

### **III.- IZAERA, ARAUBIDE JURIDIKOA ETA JURISDIKZIO ESKUDUNA**

#### **18. IZAERA ETA ARAUBIDE JURIDIKOA**

Baldintza-agiri honen arabera gauzatuko den kontratuak izaera administratiboa izango du eta bertan zehaztuko ez den guztiari dagokionez, honako hauei jarraituko zaie: 3/2011 Legegintzako Errege-dekretuan ezarritakoari, 3/2011 Legegintzako Errege-dekretua partzialki garatzen duen 817/2009 Errege-dekretuan ezarritakoari eta urriaren 12ko 1098/2001 Errege-dekretuak onartu zuen Herri-administrazioko kontratuei buruzko Legearen Araudi Orokorrean ezarritakoari eta, Herri-administrazioetako kontratazioari aplikagarriak zaizkion bestelako arauetan ezarritakoari.

Administrazio-baldintza zehatzen Agiri honetan eta espedienteari lotutako gainerako agiri teknikoetan ezarritakoa bat ez etorritz gero, Agiri honetan jasotakoa izango da balioduna.

#### **19. IZAERA PERTSONALEKO DATUAK BABESTEA.**

Kontratazio honek izaera pertsonaleko datuak ematea baldin badakar berekin, kontratistak Izaera Pertsonaleko Datuak babesteari buruz abenduaren 13ko 15/1999 Lege Organikoari dagokionez,

32011 Legegintzako Errege-dekretuaren 26. Xedapen Gehigarrian eta hori garatzen duten arauetan jasotako obligazioak bete beharko ditu.

## **20. JURISDIKZIO ESKUDUNA**

Kontratutik sor daitezkeen auziak administrazioarekiko auzien jurisdikzioaren menpe egongo dira; hala ere, indarrean dagoen legerian xedatutakoaren arabera, alderdi biek sortutako auziak arbitrajepean jartzea erabaki dezakete.